

王樸莊傷寒論註



卅補齋醫書後集七

傷寒論註目錄

傷寒論註六卷

卷一

太陽病用桂枝湯法

產溼
湯附

太陽病用麻黃湯法

葛根
湯附

太陽病用青龍湯法

太陽病用柴胡湯法

卷二

太陽病用承氣湯法

太陽病用陷胸湯法

太陽病雜療法

卷三

陽明病狀

少陽病狀

卷四

太陰病狀

少陰病狀

卷五

厥陰病狀

卷六

傷寒宜忌

發汗吐下後病狀

霍亂病狀

陰陽病已後勞復

卷七

雜方

傷寒論附餘二卷

卷一

目錄

冬溫

溫瘧

風溫

溫毒

溼溫

卷二

寒疫

壞病

傷寒例新注一卷

讀傷寒論心法一卷

迴瀾說一卷

時節氣候決病法一卷

傷寒論注卷四

吳縣王丙樸莊著

元和陸懋修九芝校

太陰病狀第一

八證方二首

太陰亦有中風無傷寒本篇藏寒病是噉生冷而傷脾陽者乃內傷非外感又在提綱外故但云屬太陰也

太陰之爲病腹滿吐食不下自利益甚時腹自痛若下之必

胸下堅結

懋修案千金作食不下下之益甚時腹自痛胸下堅結又案醫宗金鑑據吳人駒說謂自利益甚

四字當在胸下堅結之下又云腹滿下應先有自利二字

太陰病生於本本者溼土也寒風從鼻入腹故腹滿或足

肝受之其經脈逆於腹中則腹亦滿也吐與嘔有別嘔者有聲吐者有物寒氣逆上則吐而食不下寒氣注下則利中陽愈陷則利益甚寒與正氣搏則時時作痛此爲病發於陰間有溜於陽明而作熱者若誤下之亦必胸下痞堅而成藏結也

太陰脈浮可發其汗宜桂枝湯

懋修案千金無末四字

此溜於陽明者也病已從陽則吐利腹痛必不甚以桂枝湯爲法而增減之可也

太陰中風四肢煩疼陽微陰濇而長爲欲愈

此風中肝臂自手太陰來者苟能溜於陽明四肢必見煩

疼逆邪仍還故道而出煩者熱也疼者邪也陽微陰濇是
太陰中風之常脈風在陰分也若於微濇中見有長意則
邪將自達矣所謂長則氣治也

太陰病欲解時從亥盡丑

張令韶曰太陰爲陰中之至陰陰極於亥陽生於子從亥
至丑陰盡而陽生也陰得生陽之氣故解

自利不渴者屬太陰其藏有寒故也當溫之宜四逆輩

自利便滑也與下利之不甚暢者不同藏指胃言

懋修案
胃當作

脾玩上文生冷
傷脾陽句可見

爲生冷所傷則亦屬太陰也此示太陰內

傷寒飲之治法成注自利而渴屬少陰爲寒在下焦自利

不渴屬太陰爲寒在中焦與四逆等湯以溫其藏

傷寒脈浮而緩手足溫是爲繫在太陰在太陰當發黃小便自利利者不能發黃至七八日雖煩暴利十餘行必自止所以自止者脾家實腐穢當去故也

發黃以上解見陽明篇七八日已過一經有從陽明之本燥而轉者則大便堅也有從陽明之表熱而轉者則煩而下利也煩而下利似乎變證然煩爲陽氣之復利爲陰邪之去因前此脾氣不運所停水穀已成腐穢今脾得陽明標熱而虛轉爲實利每一行腐穢盡去濁降而清升必有微汗不待言也

本太陽病醫反下之因腹滿時痛爲屬太陰桂枝加芍藥湯主之其實痛加大黃湯主之

桂枝

生薑

各三兩

芍藥

六兩

炙草

二兩

大棗

十二枚

加大黃湯卽於前方中加大黃二兩

一作半兩

此太陽轉屬太陰也太陽病風將化熱誤下而陷內當以

桂枝加芍和之蓋腹中熱痛宜芍藥以芍性寒能通脾絡

也若大便實而痛則邪已歸於陽明可用大黃矣乃仍主

以桂枝湯者欲使邪從外解又太陰兩解表裏之法也

人無陽證脈弱其人續自便利設當行大黃芍藥者減之其

人胃氣實

懋修案千金作胃氣弱當從之

易動故也

無陽疑當作太陽承上條言脈之弱者不必誤下而已續
自便利卽有滯積當用大黃芍藥亦宜減之蓋卽許學士
溫脾湯一類證也誠以脾胃相通胃之氣變現於寸口胃
之虛實徵於大便脈弱便利胃氣之弱而胃家之虛可知
言此以結太陰治法不可不慎也

少陰病狀第二 四十五證方一十六首

經曰少陰之上君火主之又曰陰中之陰腎也本陽而
標陰其病從本從標變動不居少陰固但有中風其中
寒而病者東垣云少陰者藏也自鼻息而入是也喻嘉
言曰少陰水藏也水居北方原是坎止惟挾外邪而動

則波翻浪涌橫流逆射無所不到爲嘔爲欬爲利爲四肢沈重仲景不顧外邪惟以真武一法坐鎮北方之水不橫逆則諸證自止而人之命根賴以攸固命根者何卽腎中一點真陽伏藏腎水中者水中火發所以證雖陰而反煩躁多汗似陽仲景每用薑附等以收攝其陽初不慮夫外感蓋陽旺則腠理大開外感先出所以一回陽而了無餘義也若用寒涼助水則真陽不返而命根斷矣必識此意然後知仲景溫經散邪之法細微曲折與九轉還丹不異也

少陰之爲病脈微細但欲寐也

懋修案千金無也字

辨脈法云脈瞥瞥如羹上肥者陽氣微也縈縈如蜘蛛絲者陽氣衰也蓋輕取則微重取則細本經之正氣極虛所以爲受邪之地也但欲寐者非嗜臥之謂乃或得寐或不得寐昏昏如夢擬其神情常似欲寐未寐之交耳此少陰爲病之始全從神識上見之

少陰病欲吐而不煩但欲寐五六日自利而渴者屬少陰虛故引水自救若小便白者少陰病形悉具其人小便白者下焦虛寒不能制溲故白也

首句少陰疑當作太陰言太陰病之屬少陰者也太陰腹滿卽當發吐若欲吐不吐則邪從中焦乘虛而入下焦不

能爲風性之上越而轉爲寒氣之下注由是腎氣獨沈不
交於心則煩衛氣行陰不通於陽則欲寐遂成少陰爲病
之機至六七日太陰之一經盡遂作自利利亦太少病所
同而以渴別之是屬少陰也蓋津液下注而不上潤於舌
則引水自救愈利則愈渴愈渴則愈飲也至小便色白而
少陰裏寒之病形於此畢見矣小便之所以白者則以下
焦火衰失決瀆之職無以制洩之故治法必以溫理下焦
爲主古用溫藥浸冷服爲此等病設也

夫病其脈陰陽俱緊而反汗出爲亡陽

懋修案千金翼方無亡字

屬少陰

法當咽痛而復吐利

懋修案千金連上作一條翼無一條不冠以少陰病三字故此條

又案千金

十和齋醫書
卷四
五
必不得
跳行

此內傷之寒屬少陰者也內經陰盛生內寒寒留則血凝
血凝則脈不通其脈盛大以濇故中寒卽此證也蓋先有
內寒而外寒中之原其本不從少陰之爲病而來故但曰
病也脈陰陽俱緊卽盛大以濇之謂反汗出者寒氣留則
溫氣去無以固腠理也汗出而亡其衛之陽則病必屬之
少陰矣

少陰病欬而下利譫語是爲被火氣劫故也小便必難爲強
責少陰汗也

此言少陰病之火逆也小便難非徒不利之謂蓋有點滴

亦不易出之意喻嘉言曰以火劫汗則熱邪挾火力上攻
必欬下攻必利內攻必譫語三證皆妨小便故小便難蓋
肺爲火氣所傷則膀胱氣化不行大腸奔迫無度則水穀
併趨一路心包燔灼不已則小腸必致枯涸少陰可強責
其汗乎

少陰病脈細沈數病在裏不可發其汗無陽故也陽已虛尺
中弱濇者復不可下之

懋修案千金有少陰病脈微不可發其汗下接無陽故也另爲一條

此手少陰病之生於本者也其始脈微細繼從君火變爲
細沈數所謂躁者在手當以小承氣和其胃不可以麻黃
附子甘草發其汗爲其津液之素虛也然必審其尺中之

沈候細而有力兼滑者可下若弱而無力濇而少氣但當以黃連解毒湯和之不可下也

少陰病脈緊者至七八日下利其脈暴微手足反溫其脈緊反去此爲欲解雖煩下利必自愈

此下七節言少陰愈證也少陰病有始脈微細續見緊者蓋從兩腑得之循經入裏正與邪爭知其過此一經而少陰君火之氣必能交出太陰自然下利而脈見暴微邪可出矣所恐利似厥陰耳若手足反溫脈緊反去是君火有權雖以裏陰未復而煩必自愈也

少陰病下利若利止惡寒而踰手足溫者可治

少陰下利有燥有溼溼與寒相得而利非急溫不止其自
止者必兼燥也少陰受寒水之氣與其人本體之燥兩不
相得下注爲利燥若尼之利亦無多是名下利非若自利
之直瀉也亦有液以利亡無可下注而自止者非吉兆也
若利止後陽氣未復則必惡寒而蹇有此跼蹐之狀寒既
傷陽利復傷陰恐寒與燥固結而變厥逆雖四逆等亦難
決效故必手足能溫而始可治也

少陰病惡寒而蹇時自煩欲去其衣被可治

懋修案千金作不可治恐誤

足少陰惡寒病爲在裏蹇則幾入藏矣蓋少陰脈由足入
腹屬腎蹇則邪將內入若不蹇而煩欲去衣被是少陰之